

93830

湘綺樓聯語四卷



中国国家图书馆
NATIONAL LIBRARY OF CHINA

湘綺樓聯語



了已季秋月
存心樓藏版

湘綺樓聯語卷一

湘潭王闓運字壬父撰

院宇

回鴈峯東寮

明窗啜茗時半日間三日怵須勘破庭前竹影

畫船攜酒處衡山月嶷山雨冷思量城外鐘聲

西禪寺

湖南無十方叢林一方大皴典也普明上人嘗議以西禪寺公之法侶示寂後法裔秀枝師願

成之棟宇狹小香田租少懼不副眾望運本寺中道徒尤惴惴焉乃有碧崖和尚以無邊宏願行不思議

功果且拾且募不三年成百萬大工斯實海內希有之事於今世舉一事而先咨嗟者識力爲何如也工

成慶贊因題柱志愧

彈指見華嚴看天馬雲開一角小山藏世界

觀心禮尊宿聽木魚晨叩十方古德應齋期

江南關公祠

杯酒斬顏良河北英雄齊喪膽

單刀會魯肅江南名士盡低頭

東洲禪寺

衡府東洲羅漢寺乃前明舊刹幾三百年建
船山書院於前適余主講柏永禪師主寺相

鄰十年因題
柱以志因緣

竹樹護精廬林鳥似識前朝事

鐘魚答磬誦芋火還容宰相分

多寶寺

四川彭縣
牡丹甚多

山中晝永看花久

樹外天空任鳥飛

伊山寺

明月似聞三弄笛

白雲長對六朝山

東洲船山書院

海疆歸日啟文場須知回鴈傳經南嶽萬年扶正統

石鼓宗風承宋派更與重華敷衽成均九奏協簫韶

確山銅川書院

文武繼諸周好爲汝南增月旦

弣歌開廣夏定因言叔得澹臺

四川尊經書院

集張左句

攷四海而爲雋

緯羣龍之所經

成都杜公祠

自許詩成風雨驚想當年硬語愁吟開得宋賢兩派
莫言地僻經過少記今日寒泉配食遠同吳郡三高
蘇州湖南館

文武翊中興翩然楚客聽吳詠

循良有先正誰比雲汀繼道榮

衡州長沙館臺

東館接朱陵好與長沙回舞鶴

南山籠紫葢共聽仙樂奏雲門

衡州廬陵館

代江西五府首士作

胡文遊迹至今存高閣重新當令先正流芳遠

湘岳清暉扶棟起一枝廣蔭共喜江州盛會多

西關祠臺

演段亦聲容居然晉舞秦謳慷慨鳴鴉增壯氣

傳芭祠義烈遙想荆城益瀨往來風馬卷靈旗

成都貴州館

祠祀尹王

何須駟馬高車祇名山教授下驛棲遲千載西南留道
統

同此瓣香尊酒問浚長真傳鷺湖正派幾人宦學比前
修

成都湖南館



游宦湖前賢自襄陽諸葛連道恭侯蜀都中盛集千年
楚國榷枿參古柏

華軒開廣厦數南北萍蹤東西使節錦水外江流萬里
洞庭吐納豁離襟

又代莫提督作

少年裘馬錦江游喜整頓重來秋稻屢豐兵氣靜

高會簪纓華屋敞願英賢繼迹甘棠畱蔭後人看

衡州江南館

湘水東流想金陵龍虎遙蟠共向郵亭望遠

鴈峯南館看石鼓江山如畫長依侯計籌邊

又江南館臺

鐵版銅絃高唱大江東去

瓊樓玉宇細聽水調歌頭

南昌湖南館

宅枕龍沙看表裏川原曾是湘人辛苦地

門盈駟馬喜從容尊俎幸逢江介宴安時

莫愁湖亭

同治十年重新莫愁湖亭桂蘓亭司使要游
索題余案樂府莫愁河中人嫁盧氏盧亦北

方名族而石城艇子說者歧異葢麗質佳名流傳詞
賦如宋子齊姜之比不宜儕之蘇小真娘故為引附

莫輕他北地燕支看畫艇初來江南兒女生顏色

儘消受六朝金粉只青山無恙春時桃李又芳菲

西湖退省盦

花柳野亭開居士身閒來放鶴

湖山行處好聖朝恩重莫騎驢

江西滕王閣

勝地已千年每臨江想望才人不比勞亭傷送客

高朋常滿坐到舊館仍陪都督更聞縣榻喜留賓

席祠

名位竝彭陳唯公冠冕賢科應知將略真儒術

崇祠鎮淮漢更此馨香里社允迪前先佑後人

陳祠

孤壘捍神京樂范論心分謫生民功不朽

新祠鄰故宅曾楊把臂世家喬木澤偏長

夏祠

錫祚自玄珪門列雙旌更有五雲扶棟宇

發祥依白阜枝分百世定榮丹桂報馨香

長沙郵無告堂

世上苦人多一命存心思利濟

湘中民力竭涸泉濡沫念江湖

長沙鹽道堂

資湘北匯總無波看列城控帶黔吳山水鍾奇多將相

綱引東來承舊法更禺莢旁通隘蜀倪桑著論待經綸

安仁救嬰局

捐貲數千金經理得宜
積成巨萬作聯奉贊

保赤慶民康水滴楊枝作甘露

流錢看利溥春回榆莢滿宜川



毛孝子墓廬

月白風清依然昔日鳴機地

夫忠子孝難慰寒泉罔極心

題曲園

曲徑通幽處

園林無俗情

湘綺樓聯語卷一

湘綺樓聯語卷二

湘潭王闓運字壬父撰

榮慶

甲午慈壽

代孫翼慶祝

慈覆卅年中外禔福

臣門五葉歌頌承平

楊海琴母

九州名士尊賢母

三月春榮滿壽杯

周母柳氏

禮教能令賢子達



婺光長共望舒圓

李母徐氏

薇花恩誥兒親擬

林下高風秋更清

端旬齋伯母

壽國禕衣榮八命

謝庭猶子致三公

龍母

火棗交梨會仙無暑

碧雞金馬應壽爲祥

陳母

湘寓十年清貧益壽

秋花九月晚境如仙

程春浦母萬氏八十

芳華已見桃三熟

靜壽宜同嶽萬春

程母蕭氏

孫曾慶壽辰繞膝增多三百指

紵綦全婦職嗣音重祝八千秋

楊母羅氏

柏酒釀春開壽宴

蘭陔戲綵有曾孫

成都將軍岐元母

萬里稱觴獻三危瑞露

七襄畱錦成一品天衣

郭葆生母于氏

郭父為母壽作屋城中未幾焚敗幾不能保去年借我名驛占兵乃費萬金重修故為喜事郭先在江南娶于氏及還父母已為聘楊氏乃以于為次妻生葆生有文武才除說謠外皆得為何貞翁記之

稱觴喜重理池臺花木

教子能增光將相門楣

商農父八十

傳經令子作名師定知五豆稱觴講舍春風桃李笑
學語曾孫說眉壽待得九齡錫嘏南宮舞勺杏花香

劉韞齋八十

松篁春滿裴公宅

桃李榮欣寶相門

但少村八十

正月十五生

薇省月華三五夕

楚南人頌八千春

鄭贊侯

官如陶令多鄙酒

年近何公減宦情

楊斗垣

洛社耆英堂畱綠野



天家壽酒婿寄黃門

吳清卿

肩壽銘功有吉金瑞玉

衡山刻石紀海宴河清

端午橋

強仕十年名位極

平泉三月管絃清

陳澍甘

五馬一驄兄弟衣繡

師鯨靖鱷民物同春

莊心盦

絲竹管調延壽樂

紅薇香似過庭時

程阮樵妻趙氏

齊眉百歲屠蘇酒

四德賢聲宰相門

龍書村

南極一星躔壽嶽

北來雙鶴飲榮泉

常霖生

嶽靜湘清桃源自樂

花黃酒綠桂父延齡

許鈞自言其家五世同堂六十年中

五世鯨昌承鞠脰

一家安樂住桃源

張翁百歲號雲臺就名號頌之

系出文侯鹿賜彌永

號同阮傅糜壽逾高

徐菊人相國

多士師爲百僚長

廿年相及杖朝時

黎總統宋卿

與觀音同日生來救大千塵劫

應光黃異人出能開五百昌期

馮母百歲

孫又生孫共向護闈瞻壺範

壽而益壽重周花甲正筭年

羅惺士子昏曾佑卿女

彩繡承歡引雛鳳

玉堂畱硯有傳人

沈子粹嫁女

眉彎翠黛梅梢月

篋有鴛鴦蜀錦雲

劉景韓子昏

繡藻新暉吳歆送喜

玉梅初月朝鏡修容

周紹頤新昏

清泉香熟重陽酒

十月春催竝蒂梅

樓聯語卷二

湘綺樓聯語卷二

湘潭王闈運字壬父撰

哀輓

王春波 名與余同宰清泉

生同姓籍同名又鄂渚同游官閣談心移月影

病相纏火相驚更兵符相迫清泉餘響咽琴聲

常儀安 儀安以欬疾屬余求藥未送而聞其喪今歲團練院司求衡州總辦之人余舉儀安保安儀安

所築堡也

靈藥乞來遲遑知鶴欬秋寒灑血未傾家國恨

保安團練在當此蝟毛盜起上游真覺桂零空

黃上達 黃名上達初至江南有太子少保提督公負弩郊迎盛具供帳黃於眾中拊其背曰阿利阿讀



若阿哥。湘人平等相呼曰阿利。蓋兒那聲轉也。好便宜。黃馬。桂邪。好便宜。宮保邪。提督公。慚慚。謝去。余游江淮。黃攝寶。應訪之。不遇。自此遂不相聞。故下聯云云。

萬騎肅軍門。拊背嗎然想見。褫裘公子。

斜陽依寶應。傷心行處不逢飛鳥。王喬。

章鳳渠

城南舊友散如煙。惟與君廿載數相逢。最難忘。夏口藏

船。湘東釀酒

新歲遨頭裁滿月。驚此日重來成。永設忍獨看園中柚

折池上荷生

曾文正滌生

平生以霍子孟張叔大自期。異地不同功。伐定僅傳片

面略

經學在紀河間。阮儀徵之上。致身何太早。龍蛇遺憾禮

堂書

胡文忠詠之

死地能生王師始。變風雲色

名臣不壽江漢仍無砥柱人

胡蘄門

湘水古傷心。恨十載人來拍岸。惟奔千疊浪

遺書終不負。便萬金家散鑿楹。猶有十三經

步洲公

公叔父也。代聶蓮仙夫人作

玉堂雅步繼家聲。恨無緣祝艸有分栽。花度哈馳驅五



千里待得宦成名立日望歸來又誰知寓館空存菟裘
未卜

柳絮聯吟原樂事奈野藿長飢蜀茶頻寄累兄營護十
餘年自憐鏡破珠沈天生薄命到此時梧桐半死荆樹
仍摧

袁幼安

旌旗滿眼更相逢促別匆匆方期同看瓊花官閣開尊
重贈簾

湘皖謳思爭述頌橫流浩浩縱有一牀牙笏版輿還第
愴居廬

楊子春

釋褐領儒官五馬相催虎口生還仍富貴

單衫最豪飲六旬非老鶴腰仙去太恩忙

羅芸師

請業事猶新至今牛磨聲中彷彿青衿聞洛社

高才命不偶從此羊湖川口悽涼秋笛似山陽

熊羽師

同學公卿久寂寥始知南嶽傳經不羨浮雲富貴

弟子淵騫散風雪猶有西華作志與聞夫子文章

楊魯師

卅八年踐歷清華薦左定東南從容自喜承平福

九十人半悲宿艸尋師到吳會飄泊難供妻練儀

唐菽渠

中山甫捷謗書聞一芙解兵符轉贏得十年林下樂想
從前雞鳴夜炬陳德晨炊更洛沙畫角春旗都聞作分
甘餘語

湘上論兵楚材萃羣公避狂客獨我生三見手書來憶
與君銷夏頭陀敲冰清苑又游宴雙蹲石鼓盡他時泉
路相期

黃翰卿

笏堂之父

德文高世不知名正仁里結鄰處士星潛南極曜
宦學傳家欣有子恨春暉同暮東風艸沒舊瑩青

何郎

何妻死於寇其歸葬卽其父子敬所終之宅余過
嘉興彼方少而未見敬翁留余一飯故有此感

斜雪酒旗風憶丁年旅汎鴛湖官閣清吟曾一聽

故鄉寒食雨又丙舍春飛燕子江南舊恨莫重提

楊麗生

蓬海之兄

孝養慰椿庭方期兩守夾河同慶期願還洗罍
能名傳桂郡獨憾清湘載旒更無廉石壓歸船

郭壽南

烏衣游處最相親自壯年漂泊江湖各有無窮家世感
素業凋零傷族從況身後孤癯兒女九泉難慰母兄心
丁果臣

夜雨憶書燈人生少壯幾何須髮似君驚早白
薰風吹宿草世事忽忙休芙光陰磨我爲刊青

易昀陔

青陽誓守祁門獨留不伐不衿臨大節而弗可奪
重以昏姻約為兄弟同心同德微斯人吾誰與歸

楊翁 朋海之父

才名七十年豈徒豔福鴛鴦喜見雙星再花甲

佳兒二千石一自分飛鴻雁難慰三州寸艸心

姚兄

姚姊不嫁於去年三月中死今其兄又死年五十
三也妾白石詩云五十三年老弟兄故借用之

埋玉感慈護四百九旬雙泣淚

飛鴻怨秋草五十三年好弟兄

黃曉岱 翰仙之兄

選舉得英材方期東閣招賢竟蹉跎痼疾重憂壯懷摧

減

親情聯棣萼依舊西窗剪燭祇棖觸湘南薊北年少歡
娛

徐虞臣

家庭盛事九重知七十年俯仰無憂靈壽優游尊大老
翰苑門生十三輩二頃田清貧依舊名賢哀誅足千秋

沈鶴樵

萍居百口匏繫一官便邊州深奉養餘年琴酒寄情聊
復爾

息叟先亡夢園歸去更少日連枝悲逝水笛鄰訪舊為
悽然

汪式甫 感其求官客死

瀟湘隨處有閒田，若言姑布通神命。裏無官當學隱，中外十年看宦海。畢竟空棺長閉世間熱，客早宜休。

徐培元

累重未歸田，猶使後生疑。曉漏

里仁曾卜宅，久聞僚屬頌清風。

劉筠生

入洛當年好弟兄，誰知各宦天涯。薄祚不傳棠棣譜，寓蜀相依唯母子。猶得從親地下春，寒莫恨杜鵑聲。許銀槎

薄宦更無兒，八千里丹旄空還。不如休折當年桂

名場兼仕路，六十載浮雲飽看剩。欲歸依淨土蓮

李仲雲

湘西船局佐中興，豈徒絃冕雲從富貴豪。賢推第一

天上屏風記名字，誰料東南寶盡林。亭弦管咽三秋

楊小侯

世祿不驕人，祇當年典衛。鉤陳曾被賢王溫語接

蜀材嗟又弱，正此日愴懷。勛舊復傳開縣赴書來

芮少海

幕府樂清吟，達者蕭然庭館梧。桐待佳客

琴歌老跌宕，僊乎逝矣形骸土木慕王孫

蔣少尉

薄宦幸歸休羞踈越裝難送老
重陽空有約尋常酒債不須償

裴樾岑

噩耗五年驚喜聞單舸三山更飛雁傳書如共丁令歸
鶴語

密雲秋雪冷正值重昏八表便拂衣大去怕聽澎島水
龍吟

徐又新

八坐繼家聲正看觴舉顏和寂靜承歡留晚福
三年容汎愛豈料車回腹痛款曲論交未浹旬

楊雲橋

代商農作

京華讀寄書最關心叔子科名頻望燕臺愁白路
鄉校尊耆老方準擬九旬秩養遽悲萸水送輕銘
陳池生

生從虎口來竟支持忠孝名門有子承歡依節母
幸不鯨波去正料理琴書小住阿兄扶病送殘陽
彭辛叟

聞喜憶懸弧廿三齡江介歸來果看脫穎聲名詩禮無
慚賢父子

踊金嗟在治一二分才思未展空說居陶貨殖揶揄疑
有路旁人

黃海華

日記稱貧叟

人倫冠冕一靈光八十年望重儒林遺愛豈徒留永邵
海內君公半虛禮卅二載官猶郡守國風長是怨榛苓
郭狷父

名家磊磊不羣才最難折節覃思少年曾弗誇仙桂
賓坐恩恩今歲見方訝神清氣好嚴霜一夕敗叢蘭
黃次雲 將死捐其妻屬以固窮其志可哀

固窮終自有窮時三千里巫峽歸舟傷心更被秋闈誤
親情曾未樂情語十一月嚴霜摧木斂手空看破被寒
左錫九

名節厲孤貞知風裁晚更欽崎每談時局驚眉宇
屠蘇誰共飲念弱子早承矜賞相從泉路語心期

潘紱翁

伯寅之父

紫薇仙吏最高年早脩然富貴叢中閒語蓬萊水深淺
黃閣同班傳盛事更悵望昇平門下春風桃李夢低回
黃太翁

三世親情猶有君八十年裕後光前先輩典型師厚德
孤子飄零今遂老一萬里雲愁海思歸來桑柘感離羣
黃子壽

才志冠同儕年來尊酒深談始識胸蟠千古事
吉安從一出海內藜牀獨坐誰知恨滿五更心
郭筠仙

悲憫聖人心孟子見迂闊而公見乖厓若論名實當時

芙蓉
才華翰林伯同年居要津而退歸田里畢竟文章誤我
多

蔡桐生

文葆送親來旋看授室成名卅年情敬懽無間
連枝驚雪折正有孤男弱女高堂慈願痛如何

劉韞齋

一士定東南更輶車重采榛蘭中興盛事留嘉語
八旬娛富貴看兵氣銷成絃管三湘福地葬神仙

陳翁

芸敏之父

高志絕塵蹤暫別海雲旋跨鶴

緇帷促星駕獨令洛士阻登龍

譚心可

瑤島百年觴蘭膳共傳歸養樂

玉關游子線繡衣長語倚閭憂

龔鎮

力戰定谿蠻至今甲馬靈風應共席榮同禱祝
中山悲謗篋那更耶猿暮雨頓令江漢失干城

彭剛直雪琴

詩酒自名家更勳業爛然長增畫苑梅花價
樓船欲橫海恨英雄老矣忍說江南血戰功

曾惠敏劼剛



海外十年官軍國多艱歸朝未遂還鄉願
相門三世業文章繼起史館新除作傳人

資柏琴

著述擅長材能史能文班馬以來推作者
功名真外物不降不辱夷齊而後有逸民

佚姓氏

材識冠同儕方期直上青雲遽輟諫官襄幕府

淵源承宋學正值分爭朱陸獨開生面是通儒

席研香

書生大將同時夥獨與君論戰識兵機精緊恨先衰史
傳功臣翰第一

少伯千金當世豪更築室藏經聘名士公多不爲累曾
家百頃太寒儉

蔡外舅

善門積慶更恢閔文雄一世子掇高科縱斬黃贊畫不
論功共識奇材甘坐老

孤女終身勞閔育滿望六旬歸娛八袞奈霜露慘悽遭

命至獨扶殘喘遡寒風

曹鏡初

自輓聯唯記首二句故仍用之說此已卅年矣

得意在甫刑離騷晚更覃思盡闡微言契神解
立身兼仲尼墨翟世無知己空傳餘論侮時人

李筱泉

分陝兼一相之權古今帥臣無與比
專圖制四夷以外夙宵憂畏有誰知

莫措卿

忠王論將抑湘軍看卷旗八日前驅長沙子弟先天下
昔歲偏師平蜀寇更專圖三年遺愛武擔祠宇對靈關
唐葆吾

門祚賴丕承不愧州閭旌孝行

京華昔從宦至今臺閣尚嗟稱

常寄鴻

世爵不干榮老作諸生克家何必曾勤惠

躡岡重訪舊秋清鄰笛歎逝增懷阮竹林

陳雋丞

危苦建功名休云爵未酬勞看滿門簪笏綦纓當世公

卿無此福

精明歸渾厚自許鑑無虛照想同輩雖黃月旦不言桃

李亦成蹊

蔡心泉

棋酒正新歡誰知飲罷屠蘇三日春風餘閣冷

申韓推舊學應有惠留零桂仁人愷澤利民多

或作部
民思

從子諶

麓盤

荷囊燒盡獨傷心狂簡未能裁空望家駒日千里

筆陣橫飛曾得意貂珠總無分不如枯蠹守殘書

或作
孤鐙

鄧彌之

絕筆猶承薦士書
憶當年風雨貂裘敗絮蓬頭真倚玉
清材自可薇垣老
悔無端輝煌豸繡青絲蹶足望橫門
鄧保之生輓

童稚論交五十年
晚事尙書始知吾輩非真友

雲山札記千百卷
言皆儒者畢竟先公有鑒裁

常笛漁

石門尊酒共論文
如今舊夢全非蓬島未游何所憾

江海十年勞作吏
羞家聲不忝歸裝無寶莫嫌貧

陳養源

梅冶記相逢駭浪十年咫尺無緣重把臂

柏臺疑有尼白衣
三會孤癸失怙最憐君

李少荃

契闊舊相隨
記從龍樹分襟尊酒賓筵應憶我

封疆才弟一
正值鯨波沸海角巾私第不言兵

朱雨田

荷衣徒步記相從
喜卅年平揖公卿豪情吐盡書生氣

花徑玉缸頻把酒
看諸子滿牀簪笏里社仍祠積善翁

陳郎

六翁子

猿公橘窠共娛嬉
恨蹉跎一第艾服從官名字甫聞天

有路請纓難致命

鶴子梅妻真解脫
記風月重湖茶煙未歇歡游俄隔世

登堂撰杖獨傷神

麻幼愚

薄宦得歸田何惜腰纏化榆莢

素瓶猶供几不堪夢醒對梅花

彭補勤

荆折弟三枝猶勝王孫悲寶瓊

佛光初十夜定依蓮品證金身

常壽民

度陰逼炎蒸新婦入門悲改服

持躬等寒素世家無祿共霑襟

馮絜卿

韉帕不辭勞招降虜作名臣記當年深入礪巢晚論海

防驚鼠膽

錦貂曾召對朝奏功夕報罷芙蓉府枉工刀筆歸從野

老免鷗疑

喻蒸梧

武達更文通父子傳經三月春風吾與點

相攸承作合七式待吉百壺清酒未酬媒

陳渭春

公子早知名不妨選色徵歌別有心情寄圖史

少年能作吏所恨大才小用莫將形役問醫王

鄭湛侯

鄧雪和皆難饒將佳句誇巒
湘春游恨晚待訪循聲向皖黔

湯幼菴

少壯歷艱危晚得消搖庭階雙桂傳芳永
經綸裕文武才仍蒞蕃鄉國維桑被福多

譚文勤文卿

湘中諸帥獨文通五十載舊學商量依然晉館聯鑣意
沫上巍科承雅步二百年天荒缺憾親見郎君奪錦回
岳堯仙

篤孝允家風官薄未能償一桂

送君如昨日客游猶及奠生芻

王灼棠

橫海襲東溟奇計未成雄略在
餘氛靖南泗無勳更比蜀功多

俞蔭甫

文苑忝齊名愧我不堪仙籍注
薦章同報罷輸君自有祖鐙傳

楊少鶴

曾與匡廬作主人憶官閣談心祖訓勉爲清白吏
重到湘東訪耆舊看總帷留影世交三弔北平家
彭景雲

公孫最小得偏憐恩許充庭一攬桂枝悲月缺

鄉譽無雙期獨步人嗟又弱那堪棠棣正春榮

向晴峰

屢薦記賢能六大三陽虛企望

諸郎竝英發八龍五鳳定騫騰

王鳳階 代田生作

每隨杖履坐春風鄉人皆好之公論選賢推祭酒

莫更錙銖計生產爲仁不富矣合名貽子勝贏金

王耕虞

五游弄穀不能傷八十懸車垂死尙餘攀劍恨

四紀甄陶無一面相公厚我他生願作埽門人

陳伯屏

抗疏劾三公晚傷蠹鼠干鈞弩

治生付諸弟歸剩鵝羊二頃田

彭佩芝

聽馬繼家聲猶有棠陰留邵武

鸚洲非旅殯得歸船廠溯前勳

楊瑞生

支那人還赴瑞生喪念其父以康梁破家與書
諷之瑞生家租三百石以百石延師姻友中所

稀有也

庭誥重儒修破產延師終有報

湘營無暮氣縣車待饗最勞心

席沅生

席豐承藉不驕奢江楚共推能京國驂騑開道路



公獻私酬多禮教歡游未踰月春風鶉鷄愴離憂

朱倬夫

稱心科第早登瀛依然卅載田園共惜大才無小用
滿眼兒孫俱是幻喜見兩房嗣續霎時脫屣便蹇裳

劉定夫

二品服卅年官一第只虛榮甘讓賴唐先受祿
駢散文古今體遺篇重披讀正逢風雨更悲秋

程岢樵

家事待子而行五十年賓至如歸恨君不住三千歲
令名爲時所重廿二省門通置驛繼美無慚鹿太公

黃叔容

癸科瑣院憶同門相見何遲淪落塵官非得意

甲族玉堂推盛事流光易駛耆英高會恨無緣

唐稚雲

材行曾褒列郡先看治譜流傳江右尙歌賢父德

服食無慙三世長憶烏衣游宴城中今鮮故家風

繼蓮畦

公才畢竟擁高牙回思禁近迴翔猶惜塵官廢吟嘯

御史不須尋摺料且向皖山憑弔定知清致在江湖

張力臣

壯歲相逢意氣歡爾時才識無雙官職聲名俱入手

三致千金隱淪晚獨恨經綸未展鼓角歌鐘兩寂寥

劉幼丹

一見定深交知專家鉤考羣書七十金文通古籀
再起綏南服更散字包羅萬有五千編類勝奇觚

譚伯勤

壯歲已持麾南汝移官驄馬瘦

名門推主器東風灑淚脊鴿寒

朱叔彝

久宦竟長貧王趙賞音空削牘

知人終有託沅湘詞客爲招魂

族子詔

千金致小康槐秀族中稱巨宮

百年期上壽竹林游處咽寒風

譚樸吾

京輦憶聯鑣女貴兒佳輸晚福

夷門承執轡破秦存趙愧奇謀

孔靜皆

每持正論忤時賢避俗山居忍見侏儒登禮殿

幸有佳兒繼科舉傳家聖教肯持彝器拜陳王

曾慕陶

世祿不驕奢依然儒素還鄉井

高官歷臺省遺恨衣冠毀昔時

彭向青



平地起風波共歎湘東文武盡
停雲昏海嶠回傷京邸酒棋歡
常霖生

垂暮泣桑田應憶孩提離虎口
彌畱對瓜使猶勝輟食薦靈筵
朱宇恬

同保百年身再閱滄桑厭塵世
獨成三徙業誰知端木是耆儒
胡得立

邂逅託知心禮殿重開仍講肄
桂零歌按堵使君三歲只清貧

僧柏永

東洲羅漢
禪寺住持

結芳鄰廿四年蔬筍同嘗每聽鐘聲發深省
後圭峰十八世枇杷先折空餘石路濟行人

陳復心

節鉞啟詞臣武達文通光列戟

壇山開世俗弟勸兄酬勝八龍

丁巡臈

此本擬俞蔭甫而作
以其近戲改書一聯

抱葉等寒蟬愧我仍居參政院

嘉禾擬文虎輸君曾上大觀樓

回雁昔停船共說方州恢遠略

弘羊非計利要憑綜覈挽頽綱

陳程初

威鎮湖湘五十年。晚得幽閒同邦共。言和平福。每陪禊飲重三節。而今寂寞秋月空。懸碧浪亭。

李光久

時事積艱危。申甫再生猶有恨。

越防堅壁壘。汀沾回首更傷心。

魏午莊

十五年節鉞歸田無地起樓臺。清德竟同劉武愼。

八旬內滄桑屢變。一生逢喪亂。褰裳願禮魏元君。

陳完夫

經史詞章得替人。方期光大名門同。尋陋巷。簞瓢樂。

獄訟平反推老吏。所惜衰羸形役遽。舍京塵布鞵歸。

張孝達

老臣白髮痛矣。騎箕整頓乾坤願初了。

滿目蒼生潛然出涕。淒涼山館我何如。

自輓

春秋表僅傳正。有佳兒學詩禮。

縱橫志不就。空留高詠滿江山。

蕭妃山母

長郎許入禁廷名譽動。公卿誰知畫荻丸熊苦。

新婦初諳食性晨昏奠。羞膳猶是陔蘭汨鯉心。

羅正齋母

壺儀禮法自成家憶當年總角娛游兩孤成立詎料衰
門莫盛屯難偕臻一失母一亡兒悽絕庚申悲往事
姑氏凋零危若線惟令子湘城流寓三徙揚名卽今暮
歲看孫詩書有澤傳賢明傳貞順編題甲乙補劉書
黃母

名門仰母儀南陔長養三枝桂

時賢盡哀誅空谷殷勤一束芻

吳子登母

偕隱高介母之風江海安行魚筍承歡同祿養
示疾念觀音之力期頤知命葦著委化入溲天
有子成名介母後幾人偕隱

百年知化法輪前十轉超凡

徐壽衡母

偕老未終隨富貴白頭猶有恨

名賢爭誅母升平彤管定傳徽

吳福笑母

福笑聞喪卽行今罕見宜特獎之

單車就道槍星奔此義幾人知素鞵三年由母教
兩子夾河榮祿養食貧當日事金局五鼎報親恩
常晴生母

以不舛濟忠臣烈婦之艱虎口奪諸孤擊輓衿纓今繞
鄰

當中年見國家興衰者再鷲峰參六觀老生病苦不關

心

郭提督母

篤誼荷天題聖母深褒賢母德

中興育名將郭家堪竝李家榮

曾沅浦妻

富貴極中年誰知夜織晨春依然德曜貧時事

稅掄隨冢婦獨恨荇枯蘋冷無復河洲助祭人

麻竹師母

翟莠舊榮華湘上版輿如故里

龍鸞毓文武湟中阡表報慈暉

桂從九母

禮法數名家再承鸞誥褒賢節

艱貞撫孤子終望魚塵保令名

左逸仙母

問疾在中元方期鸞鶴從容晦月瑤池促仙御

官箴承母訓正有筍魚供養秋風錦水悵歸帆

鄧彌之妻

彌之夫人久留省城實戀其賞揚善稱美故辭如此

三十年事同兄嫂轉因嫺嗣至差池愧誠女無書承歡

難俟空悲朝露寒泉更何堪束縕人來羹湯棄養

七二洞望斷雲山是豈神仙好離別但成家有願在富

如貧長伴機聲鐙影誰省識嚴冬病裏荆布餘寒

孫芝房繼妻

華鐙桂樹看初昏至今雛鳳成巢始識廿年冰蘖苦
人鏡芙蓉傳唱第方幸雙鴻得路誰知歸日荻灰寒
楊息柯母

就養歷沅湘便竹筍迎船版輿過恰總高年富貴歡娛
示疾不淹辰八十七齡成佛果

登堂盡英彥看礪石題碑傾城會葬更四海名賢哀誄
臨喪願觀禮六旬孤子是嬰兒

胡詠之妻

昔年姑女荷深慈早聞賢比鍾羊當代名門推極盛
往日鄂城曾授館不獨功銘侃嶠顯章靈表願摛詞

又代常霖生作

先慈京輦昔相親最傷多桂園中憑弔繡衣全節地
名世中興成內助還聽斷機聲裏得看蒲壁拜恩年

劉馨室母朱氏

劉曾任吾縣母年
近百歲見五世

百年愛日正長春已看簪笏盈庭鏘鳳眞開五世慶
九月西風寒一望猶憶版輿度嶺饌魚深感故民心

龍晦臣母

慈願憶垂髫與諸郎驂靳時賢獨悲護背無全福
相莊成顯業又十載旨甘御食莫恨枯魚泣朔風

劉景韓母

祿養正遺榮古佛寒鐙成善果

麻衣悲入蜀故鄉歸鶴感滄桑

丁伊農母 穉公嫂也

苦竹冰霜六十年官舍傳徽百辟同尊魏舒嫂
碣石風煙三萬里版輿無恙八旬終證普陀禪

陳母

四川學使陳伯雙之母

天留晚福慰冰霜看賢母名高江漢雙珠光海內
東望沙羨慘雲氣恨使車行遠倭遲四駱下邳山

胡穉泉妻

風節比萊妻早聞丈室如賓敬

霜華寒馬帳忍見孤孫問禮來

彭子茂妻

卅年佩帶總劬勞鹽米操持內助稱賢悲獨苦

三峽驚憂甫寧帖嬰峴環繞含飴可樂遽先祖

李筱荃母

慈雲起南嶽封中釀作甘霖徧寰海

賢母數中興第一只憑儉德訓家庭

李次青母喻氏

兼富貴壽考以著徽音儒素顯清門五承鳳誥賢名大
歷困苦危亡而終榮養碑銘追往事一到瀧岡涕淚多

唐鳳儀母

一門羣從昔同遊久聞懿德賢名大族持家推禮法
少子遠州悲薄宦方冀山田奉養衰翁揮涕促歸期

陳妹

若愚妻

廿年桂弱久相依每當萬里歸家助搜囊篋更支頤聽
語關山委佩不重來此後大雷悲斷雁

一病淹纏成絕證正與武岡愛姪同怨鑪錫似相約先
探淨土靈燈對雙燼那堪短夜望明蟾

黃運儀母

蘇臺盛日駐魚軒數湘州命婦班中委蛇曾盲承平福
桂樹雙雛眞鳳采知國史儒林傳裏淵源定述女宗師
楊厚菴母向氏

三朝慶典寵榮增母德揚輝當代名臣無此盛
八坐起居鄉黨敬孟鄰爲美長春大臺有餘暉

陳雋丞妻顏氏

勤儉著徽音列戟門高更喜諸郎班禁近
憂虞增閱歷鳴笳歸早重還故里卽神仙

周鐵園繼母甘氏

粵藩妻也

榆翟列崇班南海魚軒春富貴

壽麋榮萬石西風雁陣月淒清

程春浦母萬氏

名門五世昌天將福壽酬清節

登堂一人在我拜帷筵感逝川

易笏山妻

早歲名聞孝綽誇況兼通譜所幸萊妻管妾並挹清芬
全福羨三多同說鳳雛能振羽

百年歌共劉綱和正樂歸田豈期弄玉飛瓊便迎仙駕
斂衣空一品更無官俸與營齋

曾妹

竹林母

辛苦憶孤童勞役歎然早知後福當榮壽

艱危得偕隱毓華偶爾獨恨佳兒坐阨窮

胡子清妻

東鄰簫鼓正喧闐撒手捐塵從此不爲兒女累

中壺衿纓傳法則同心述美豈徒悲詠曜靈詩

張子年妻

薄宦類豪家樽酒不空中饋吉

無兒多愛女金顰有誠母儀彰

余堯衢母

晚歲值榮華須知挽鹿丸熊艱苦自然多福壽

湘州觀禮法更有齊謳輦曲弦歌到處頌慈恩

譚芝昀母

因母著芳型來往版輿尊祿養

華宗欽自出瞻依諉背感春暉

蕭玉衡母周氏

樛木頌綏成委佩庭前冬日照

葛覃勤浣濯擣衣砧畔曉霜寒

朱純卿母

三子同時作考官盛事曜儒林棣鄂光榮傳桂籍



一柱南天如敵國教忠承母訓版輿安穩到蓮花
唐子明母袁氏

五世協昌符數恩榮百歲光華不比園葵傷漆室
安貞稱富媪看兒女兩家勤儉豈徒寸草報春暉

程春甫妻蕭氏

封鮒訓廉勤垂老江淮勞顧復

乘鸞歸寂靜通家女婦失儀型

程二嫂趙氏

淑慎早傳徽憶佩環來自仙源湘東共識名家韻
蘋蘩能率禮惜筐筥初終婦職堂北俄傾寸草暉
常九嫂陳氏

清門循吏有淵源官舍棠陰今日環歸更淒惻
從婦卅年承愛育家園菊瘦空庭霜冷失瞻依

段芝貴妻王氏

絜膳佐南陔對人饌魚羹遠道應悲中饋輟
成功數東伐想親縫犀甲三軍猶感內堂恩

清泉楊六嫂羅氏

遺恨泯栢禽得教三子親承含

賢名稱掄翟敢望雛孫克嗣徽

許隱君妻戴氏

勤儉佐興家未終偕隱虛鴻案
文儒爭作誅不負劬勞育鳳雛



日記彙鈔聯語卷三

湘綺樓聯語卷四

湘潭王閻運字壬父撰

贈句

贈張文心

壁立千仞猶恐未免俗
兼包九流而後可談經

贈余佐卿

斥鷃飛鵬所笑宋榮可無笑

三人行我有師仲尼何常師

贈寄馮章京

閒觀世事如修史

多見通人始信書

贈陳用階陳為湖南官中能文者好甜酒而重聽故戲之云

論文似酒知甘苦

退宦如僧靜見聞

贈吳華峯

壁經正義三梅驚

壺子全心養木雞

贈張子年

親知懽喜常評酒

生計清貧不厭官

贈段郎中玉成

康樂文章先承祖德

子山松石不對俗人

贈李玉溪

花萼一家春富貴

竹林三益酒神仙

贈李杜生

江山奇秀懷三峽

兄弟文章比二蘇

贈向晴峯

雲箋自題三萬軸

風騷已及四千言

贈喻直夫

閒看戟門桐樹合
肯過精舍竹林前

贈張少衡

念我能書數字至
羨君不入七貴門
知君開館常愛客
賴子高文一啟子

贈唐賓樓

蘭陔舊地花纔結
桂樹新枝色更清

贈唐魯臣

顛拓茅茨不期逸
詭暉分麗煥若雲

贈符子琴

文章嶺海風雲氣
詩畫名家山水緣

蕭子閒官又不讀書因題二語

琴書陶令銷憂物

詩酒揚州寫意臣

與李子政

惟古於文必已出

當今之世貴獨清

與黃實監

到門不敢題凡鳥

種樹還須問橐駝

與喻蒸梧

詩句清如江見底

雅懷遙共月初明

桂學李守一

菁莪得士如朱鄭

桂管看山想岱衡

箴鄧壻幼彌

幼彌世講錫年垂五十宦學不進歲暮積雨方樂遠遊而自云千里不齒糧於其行

也書此箴之

久客人情當自惜

倦游詞賦始名家

南國前聞思賈語

西川後起得雄文

勛常壻敦竹

謹厚斯稱保家主

田園不羨宦游人

示廖卓夫

治經略通公羊禮

博學能談冬鼠文

示李砥卿

處世宜師黃石履

下帷當著玉杯文

示陳芝生

立身當兼仲尼墨翟之行

處世正在山水鳴雁之間

示蔣霞初

居家當思求闕翁八木

處世須慎快意事三端

示程戟傳

春秋經世先玉法

詩禮論兵霸國才

三輔川原長在眼

九州人物最關心

經義制心常有主

詩篇避俗不酬人

示程頌旭

江山行處皆成字

冷熱因人不算官

游宦在巫峽娥眉天外天之地

立身處山木鳴鴈才不才之間

以忠信篤敬行州里蠻獠

能堅若卓絕爲道德階梯

眞跡近來畱數字

新詩改罷自長吟

山水有靈亦驚知己

竹柏之契妙會神衿

家藏古史存疑是

天與高文自信難

言念九流無所不況

化和萬有若取諸懷

示程叔揆

捧盈執玉防蹉跌

披褐懷珠守性眞

忠信篤敬行乎蠻貊

易書詩禮備在春秋

靜坐觀心知損益

周流學禮得乾坤

贈陸瑞貞

一命存心能濟物

卅年勤業許通經

贈唐鳳庭

從來爲學心重細

不待披雲意已深

贈李蘚青

清風朗月不用一錢買
流水高山自有萬里心

贈楊叔文

才大須知難作吏
心虛何患不能文

贈陳嘯雲

世家喬木春長在
循吏無華月有餘

贈周巖泉

千年日至天非遠

六藝心通海可浮

贈周蔭雲

龍德而學不至於穀
香風有鄰庶同如蘭

示喻味皆

舊書百讀多新意

古事重論感世情

示功兒

學貫九流纔一藝

儒兼十行不言仁

示六女



但明詩禮傳家學

惟有勤恭是本師

集句

情如合竹誰能見

君看母笱是龍材

碧蘿陰處琴聲潤

紅藕香中酒味濃

安豐眼光若巖電

少年心事當拏雲

酒中倒臥南山綠

花氣渾如百合香

紅窗花開春對酒

青軒樹轉月滿林

樓臺月明燕夜語

瀛洲草綠鶯早飛

獨共南山守中國

欲雕小說干天官

吳波不動楚山碧

蕙花已老桃葉長

金碧樓臺洞天遠

琴瑟几杖柴門幽

曲江翠幙排銀牖



畫闌桂樹懸秋香
楓林橘樹丹青合
露華蘭葉參差光
象口吹香氤氳煖
龍頭瀉酒珍珠紅
博羅老仙時出洞
龍伯國人罷釣鰲
待余拄杖入句曲
知子松根長茯苓
瀉酒水蘭椒葉葢
題詩玳瑁鬱金堂

蘭風桂露灑幽翠
江亭晚色靜年芳
山禽引子哺紅果
溪女洗花染白雲
桃花亂落如紅雨
薇帳逗煙生綠塵
別浦雲歸桂花渚
青洲步拾蘭苕香
江心礧石生桃竹
山頭老桂吹古香
別起高樓臨碧篠



手牽苔絮長莼花
見買若耶溪水劍
重聞西方止觀經
石破天驚逗秋雨
羅帷繡幙圍香風
神光欲截藍田玉
秋老猶鳴日暮鐘
唯對松篁聽刻漏
潛指星機認海槎
澗松亦有陵雲分
石竹偏宜帶雪看

不貪夜識金銀氣
角壯翻同麋鹿游
涼苑虛庭空澹白
水晶春殿轉霏微
軒車過盡無公事
燕雀飛來帶笑聲
楚江巫峽半雲雨
枳籬茅廠共桑麻
盡日風扉從自掩
五更雲幕不知寒
詩道揣量宜可進

酒懷鬱勃不能醒
曾題芍藥元暉句
借得茅齋嶽麓西
近來更得窮經力
此心兼笑野雲忙
升沈不定都如夢
癡點相兼似得中
似聞佳士心相許
每見同人眼暫明
鏡寂不疲羣動照
玉寒曾試幾鑪烘

尋常莫遣輕提筆
所短深默盡信書
刀尺不虧繩墨在
聲韻宜裁錦繡詩
攤鼻繞廓吟看雨
杖藜沽酒獨尋山
故人每憶心先見
新詩未就口微吟
書牆暗記移花日
得石先開種竹山
花落三更五更雨

松浮欲盡不盡雲
新翠舞矜淨如水
楚江巫峽冰入懷
知心不隔一片月
時論同高尺五天
青女素娥俱耐冷
春蘭秋菊可同時
重簾不捲畱香久
清簟初橫待月遲
桃葉渡江蘭眼綠
柳絲牽水杏房紅

友來輒入論文坐
書就還思作跋人
綠粉掃天愁露濕
銀浦流雲學水聲
黃鶯久住渾相識
紫燕西飛欲寄書
大鵬六月有閒意
桂樹香風生隱心
桃花流水窅然去
湖水林風相與清
水外有人閒聽竹

春城無處不飛花

贈謝龍伯

集杜句

鐘鼎山林各天性

風流儒雅亦吾師

羨君不入五侯宅

與爾同消萬古愁

獨共南山守中國

每依北斗望京華

諸事隨時若流水

此懷無日不春風

贈鄧子溪

集元人句

新朋每共論高義

忠孝應知屬大才

硬黃新寫蘭亭帖

飛白輕描薤葉文

贈周畝莊

畝莊仁弟索書以前贈楊哲子京卿句贈之亦祝其爲京卿也

細推物理須行樂

各有因緣莫羨人

贈楊江潤寰

好買耶溪三尺劍

莫笑田家老瓦盆

獨抱鄒篇求史筆



閒將吳帶寫莊襟

與曾荆山

浮名少味同雞肋

烈士何心說豹皮

大千瑞色攢松葉

第一春風到杏花

贈程春甫

修身踐言有朋自遠

含純履軌與世無爭

贈周蔭棠

孝弟淵懿溫恭博敏

崇壯幽峻晶白清方

體識清遠言行以禮

運用吐納風流轉佳

性情所同不翅儒域

識致安處足副時談

贈唐鳳庭

集漢碑字

語言文字意爲法

節奏音聲和以天

示程季碩

如有所能旣竭吾力

不患無位求爲可知

與向樂穀

插羽先飛酒

交鋒便著文

示程仲旭

守身如執玉

從善若轉圜

示樊寄吾

多文以爲富

遜世不見知

與彭冶青

斗室似太古

升堂無俗情

贈鄭亮伯

二月春風清眼耳

六經書味潤身心

贈鄭啟迪

園中草木春無數

筆下波瀾老更成

贈鄭農伯

夜月每招三徑客

曉寒猶勒一分花

贈王竹間



自研朱露點周易

斫取青光讀楚辭

松根古石眠雲綠

笛管新篁拔玉青

贈許隱君

名花出地皆蘭玉

小築臨湘似草玄

贈許篤齋

篤齋仁弟自秦還書此奉贊

車行孔子不到處

篋有黃香未見書

湘綺樓聯語卷四





中国国家图书馆
NATIONAL LIBRARY OF CHINA